

Adamo & Eva:
Eva cerca lavoro
di
Santo Capizzi

Questa storia è semplicemente frutto della fantasia, pertanto ogni riferimento a persone, fatti e luoghi è del tutto casuale.

Santo Capizzi
347 80 60 577
santocapizzi1@alice.it

ADAMO: *(entra perturbato e si rivolge al pubblico)* non ci la fazzu chiù! Me mughieri, Eva, si misi un testa ca sa atturvari un travagliu. Avi 'na simana ca mi magia 'n ciriveddu, ca si lamenta, ca sbraitu. Ouh mi sta parennu pricisa spiccicata dda retica di so mattri, me sogira Petula dda cosa laria! Non arririti pirchè si chiama appiddaveru Petula. La signora Petula, Ju non ci la staiu facenni chiù, su non ci la finisci...*(viene interrotto da Eva che entra con un'aria funebre)*. Eccola a stati vidennu comu si arridducivu? Pari ca ci mossi...u mottu.

EVA: *(guarda il marito, va per dire qualcosa ma si mette a piangere disperata)* Adamo, Adametto, Adamuzzo del mio cuore, mi sentu frustrata...

ADAMO: auh, senti non accuminciari a mentiri paroli avanti ah, ca ju non ti ho toccato mai mancu cu 'na pala di ficodindia.

EVA: ma chi vai blaterannu? Quali ficu d'India e bastarduni?

ADAMO: ca comu? Tu un secunnu fa ti mittisti a diri ca stai chiancennu pirchè ti frustai.

EVA: ma pirchè ti ci metti sempri tu 'ndo menzu?

ADAMO: ca voli diri ca ora m'arassu e mi mentu 'n pocu di latu.

EVA: si scherzaci tu. Non hai nessuna considerazione pe una tonna emarginata...

ADAMO: comu si, immaginata? A mentri ca c'erunu non ti putevuni immaginari Tannicchia chiù bedda? Chi sacciu una, comu si chiama chidda...Belluccia, una...Ferrigna, una... Accura

EVA: si, accura a tia ca su non ci la stai finennu, ti lassu curriri 'n cuppinu 'n testa. E appoi, quali immaginari? Ignurantuni di gerbia. *(Fa lo spelling)* E-MA-RRR-GI-NA-TA!

ADAMO: ah, emagginata?*(Come se avesse ora capito, poi)* e chi sacciu chi m'ava parsu! Emagginata... E chi voli diri?

EVA: mattri, certi voti m'addumannu, ju chi ci stai a fari cu unu comu a tia?

ADAMO: cridimi, paparella che sguazzaria nel ventriloquo del mio cuore, mu dumannu tutti i jorna macari ju!

EVA: emarginata voli diri...moderna, dei giorni nostri, che vuoi travaghiari, evulzionistica va!

ADAMO: ah, ora ho capito. Senti, millefoglie c'o pipi spezzi miu, u sai, ju c'haiu a secunna elementari pighiata a scola serali e pi corrispondenza, ma mi pari ca 'na vota 'ntisi diri a tilivisioni ca si dici emancipata.

EVA: ma chi vai 'ncucchiannu scuchiudutu.

ADAMO: e mi vattiavu!

EVA: i ce l'ho sentiro diri a Lella taglia taglia, a parrucchiera. E idda è fimmina ca ha giratu 'u munnu e 'sti cosi l' ha sintuti direttamenti che do aricchi. Chidda è una ca viaggia; Nicolosi, Giarratana, piazza Carmelina, chidda è una ca ha pighiatu macari i navi ca caminunu supra o mari, allivoti ti pari a tia.

ADAMO: ca pirchè i navi unnu avissunu a camminari, supra rina?

EVA: babbu di l'ova, Lella ha statu macari in alta Italia.

ADAMO: E unni?

EVA: a villa San Giovanni.

ADAMO: uuuh, *(finto stupito)* nenti di menu. E pi fari tuttu 'stu gran viaggiuni, chi si prenotavu a cuccetta?

EVA: va beni tempu persu è. Comunque fattu stà ca ju a casa a fari a casalinga non ci vogliu stari chiù.

ADAMO: e chi voi fari a mugheri?

EVA: vogliu attruvari un lavoro.

ADAMO: un lavoro? Cu tutta 'sta disoccupazione ca c'è peri peri? Ma comu 'u vulissi attruvari? C'è talmenti tanta crisi, ca magari a disoccupazione 'sta facennu i straordinari, e pari ca nonostante chistu non ci arriva a addisoccupari tutti i disoccupati. Cioè mi stai spiegannu?

EVA: e allura secunnu tia chi avissa stari a casa a cusiri quasetti spunnati?

ADAMO: avai, zuccherino ca mi fa infracidire i jangni, ca accudenti di chiddu ca avemu. Ju to maritu Adamu, pighiat 'n bellu postu di giardiniere a cumuni e sugnu ditaccatu 'nda villa do sinnicu, villa...paradiso. Haiu 'nu stipendiu finicchiu, putemu campari e tu mi stai c'o mottu ammenzu a casa?

EVA: ma non è pi soldi?

ADAMO: a no? Allora pirchè è, p'a patria?

EVA: è per la mia gratifiscenza personalistica. Semu negli anni due mila e cocci, e ju a casa senza fari nenti non ci voghiu chiù stari.

ADAMO: e sintemu chi travagliu vulissi fari?

EVA: ancora non lu sacciu, ci stiu pinsannu. Mi staiu primennu u ciriveddu pi fari nesciri qualche cosa, pi farimi veniri una bellissima idea.

ADAMO: schiacciadedda ca tuma mia, è inutili ca ti sforzi, comu fai a mungiri qualcosa che non c'è?

EVA: (*entusiasta per una improvvisa illuminazione*) ccà, ccà, ccà è....

ADAMO: chi fu? Cu c'è?

EVA: staiu parturennu.

ADAMO: chi? Staiu parturennu? Ju a 'sta vota non c'entru.

EVA: staiu parturennu l'idea, scunchiudutu.

ADAMO: ah, è fimminina?

EVA: ora mi mettu a favi l'avvucatu!

ADAMO: e tutta chista fu a parturuta? Ti putevi sfurzari chiossai. L'avvucatu no poi fari.

EVA: e sintemu, pirchè?

ADAMO: ci voli a laura!

EVA: bih chi mi pareva! Ca accuntu fammi accuminciari, appena l'ufficiu è aventatu, mi pighiu 'na segretaria.

ADAMO: a segretaria?

EVA: ca comu, non mu dicisti tu ca ci voli a Laura, cioè una femmina segretaristica?

ADAMO: a laura, chidda ca ti dununu all'università. Ti ci hai statu all'università?

EVA: ca certu. Non tu rovoddi ca ni canuscemu dda? Chi dumanni besti ca fa!

ADAMO: e allora su non hai 'u pezzu di carta, misteri allittrati non ni poi fari. Ti n'a circari unu chiù umili.

EVA: e va beni accuntintamuni.

ADAMO: brava, pensa ancora ca qualcosa a trovi.

EVA: allora, possu fari...possu fari... a ecco trovato, un bellu misteri senza laura.

ADAMO: avanti videmu chi pinsati a 'stu corpu!

EVA: mi dapu una casa della frutta specialistica.

ADAMO: specialistica, in cosa?

EVA: in cosa? Ca in vendita di meli!

ADAMO: di meli? E unni i pighi 'sti meli Eva?

EVA: tu non ti preoccupati (*pausa, poi ridendo in crescendo*) 'u sacciu ju!

FINE